

faytes les autres plus que per faytes ⁊ les autres sont imper faytes. Les mesures per faytes sont seles qui ont pas simples deuant les pas doubles et a pres avec troys desmarches et vng branle. Les autres se disent plusque per faytes et sont celes qui ont pas simples deuant les pas doubles et apres avec vne desmarche et vng branle. Les autres sont apelees imper faytes qui ont pas siples deuant les pas doubles ⁊ nout point apres avec troys desmarches et vng branle. **¶**

Et est anoter que pour plus facilement entendre les lettres que sen suyuent apres les notes que pour. **R.** tu doibs entendre desmarche pour. **B.** branle pour. **S.** pas simple et pour. **D.** tu doibs entendre pas double.

